

# Kontuola

ANTZUOLA / Egubakoitza / 2005eko azaroaren 11 / 264. zenbakia

KOORDINATZAILEA: Aintzane Irizar • Barrenkalea 33 BERGARA 20570 • Tel.: 943 25 05 02 • Faxa: 943 25 05 13 • Posta elektronikoa: kontuola@goiena.com • Lege gordailua: SS1179/02

## Datorren urterako ordenantza fiskal berriak onartu ditu udalbatzarrak

AINTZANE IRIZAR

Zergak eta tasak arautzen dituzten ordenantza fiskalak aldatzea onartu zuen aurreko astean udalbatzarrak. Horrela, 2006. urtean, zaborraren tasa, esaterako, %17,62 igoko dute, Mankomunitateak halaxe erabakita; etxe bakoitzeko 60 euro ordaindu beharko dugu.

Zerga eta tasa ia guztiak aldatuko dituzte eta igoseraren bat aplikatuko zaie, udalbatzarrak hala xe erabakita, 2006. urterako. Guztiak banan-banan aztertzea ezinezkoa denez, aipagarrienak azalduko ditugu jarraian.

### ALDAKETAK ZERGETAN

Zergei dagokienez, honako aldaketak izango ditugu. Ondasun higiezinaren gaineko zergarekin hasiko gara: industriarako ez diren ondasunen kasuan, 2005eko tipoa %0,185 zen; 2006an izango da %0,190. Landa-lurrean dauden ondasunen tipoa ez da igoko.

Ibilgailuen zergei dagokienez, honakoa izan da erabakia: 14 zaldi fiskalera arteko ibilgailuen kasuan, %2,8 igoko dira zergak. Potentzia handiagoko ibilgailuen kasuan, gehiago igoko dira.



Udalbatzarrak hartu zuen erabakia, EAJ-EAko zinegotzien aldeko botoekin; Gertu Gaekoak aurka azaldu ziren.

### TASETAN ERE ALDAKETAK

Batetik, zabor bilketa eta errausketa zerbitzuari dagokion tasa daukagu; Mankomunitateak hartzen du horren gaineko erabakia: 2006. urterako, igoera izango da %17,6, eta etxebizitza bakoitzak urtean 60 euro ordaindu behar-

ko ditu. Aurten 51 euro ordaindu dugu zerbitzu horregatik. Gainerako tasa gehienek aurrez ikusten duten Kontsumo Prezioaren Indizearen arabera igoera izango dute: %3,6, hain justu. Tasa horietako batzuk dira honakoak: agiriak luzatzeagatik

ordaindu beharreko hainbat tasatan; negozioak zabaltzeko baimenak emateagatik; taxi lizentziagatik; hirigintza baimenak emateagatik; etxez etxe-ko zerbitzuagatik; frontoia erabiltzeagatik. Horiek guztiak dira aldaketetako batzuk.

## HERRITARREN HITZA / Kontxi Laskurain • Langilea

### Ekvadorrekin maiteminduta

Uda honetan Ekuadorren pasatu dut hilabete nire familiarekin eta barnerratu ditudan irakaskuntza batzuk ezagutzera eman nahi ditut: Antzuola ez dela munduaren zilborra, ezta Euskadi ere, munduan makina bat modu eta forma diferentetan bizi den jende mirezgarria dagoela. (Ekvadorrek multikulturalitate oso aberatsa dauka). Hango jendeak bihotza ukituta laga dit!

Benetan aberasgarria izan da eguneroko bizimodua beraiekin partekatzeak aukera eduki izana: bai dominika mojen lau komunitatetan, baita

Loja hiriko umezurtz-etxe bateko 12-18 urte bitarteko neskekin ere; zelako goxotasunarekin tratatu gintuzten eta zela maite gintuzten.

Zelako quintasan eta umiltasunarekin bizi diren gizatalde asko! Erakutsiaz eurontzako garrantzitsuena ez dela edukitzea, bizitzea baizik. Pareta baten irakurri nuen: " Las cosas merecen de



"Eurontzako garrantzitsuena ez da edukitzea, bizitzea baizik"

inflexio puntua izan dela gizartearen ikuspegi kolektibo bultzatzeko, beste ikuspegi

nosotros un cuidado, sobre todo cuando sabemos que no alcanzan a todos". Denbora balioztatzen ere ikasi dugu, lasaitasuna, sosegua...

Bestalde, harro daude urte honetako apirilaren 19an eta 20an egin zituzten mobilizazioekin, ziur daude

kontsumista eta indibidualistari aurre eginez. Herria bizirik dago!

Bada oso modu positiboan harritu nauen beste gauza bat ere: herritar askok (kalean topatu izan ditugunak: autobusetako saltzaileak, kaleko eskaleak, etab...) oratoriarako duen erraztasuna izan da. Zergatik ote? Denak ikasgai ederrak benetan!

Amazonian ipini ziguten lepoko apaingarri bat kendu ezinda darabilt, izan ere, sentitzen dut maitasuna eta esker ona suspertzen dizkidala eta baita... hara bueltatzeko tiradizoa egiten didala ere.

## LABUR

### Ibarre auzoko urbanizazio lanak esleitu dituzte

Aurreko asteko egubakoitzean, azaroko osoko bilkuran, udalbatzarrak erabaki zuten Ibarre auzoa urbanizatzeko lanak Construcciones Pera enpresari esleitzea, 118.235 euroko aurrekontuarekin. Lanak lehiaketara aurkeztu zituztenetik, bi enpresa aurkeztu ziren, Construcciones Pera eta Asfaltos Provisa. Horrenbestez, laster hasiko dira lanekin.

### Erretiratuen loteria salgai datorren astean

Erretiratuen elkarteak salgai jarriko du Gabonetako loteria, datorren astean. Eguazteenan eta eguenean, hilak 16 eta 17, egongo dira zuzendaritzako batzordeko kideak Zurragi plazako lokalean, loteria-ko txartelak saltzen; 18:00etatik 19:00etara egongo da horretarako aukera eta 5 euroren truke salduko dituzte txartelak. Ia, bada, zortea duten eta diru pixka bat banatzen duten herritarren artean.

## KIROLA

### PARTIDUAK

#### FUTBOLA

Azaroak 12  
16:00: Antzuola-Sport. Herrera (Gazt.)

#### PILOTA

Azaroak 12 (Gipuzkoako Txap.)  
19:30: Olalde-Aurrera Saiaz (Nagusiak)  
Ondoren: Olalde-Gazteleku (Paletaz)

### EMAITZAK

#### FUTBOLA

Urki 2 Antzuola 5 (Erregionalak)  
Intxurre 2 Antzuola 1 (Gazteak)

#### PILOTA

Gipuzkoako Kluben Arteko Txap.  
Aloña Mendi-Olalde (Infant)... 15-18  
Olalde-Anaitasuna (Gazteak)... 22-10  
Olalde-Beloki (Nagusiak)... 7-22



PILOTA

# Herriko Pilota Txapelketan 13 bikotek jardungo dute, bihartik

AINTZANE IRIZAR

Bihar, zapatua, hasiko dute Olalde elkarteak antolatutako Herriko Eskuz Binakako Pilota Txapelketa. Hamahiru bikotek eman dute izena aurten, eta hiru taldetan jokatu dute txapelketa. Abenduaren 17an finalerdiak jokatu dituzte eta hilaren 23an finala.

Bihar, zapatua, jokatu dituzte pilota txapelketako lehenbiziko partidua. Lau partidua ikusteko aukera izango dugu, 09:15ean hasita.

Hamahiru bikotek eman dute izena aurten, eta hiru taldetan antolatu dute ligaxka. A taldean lau bikotek, B taldean beste lauk eta D taldean bost bikotek jardungo dute. A eta B taldeetatik bikote bana eta D taldetik bi bikote sailkatuko dira finalerdiarako. Abenduaren 17an jokatu dituzte finalerdiak; finala, berriz, abenduaren 23an izango da.

**HAMAHIRU BIKOTEAK**

Hona hemen hamahiru bikoteak, taldeka; A taldean: Jose Mari Iturbe eta Jose Mari Mendizabal; Juan Simon Aristi eta Jose

Manuel Aranburu; Mikel Bargiela eta Jon Pagaldai; Jon Arregi eta Eneko Zabaleta. B taldean honako bikoteek jardungo dute: Mikel Saralegik eta Josu Agirrezabalek; Erik Lizarralde eta Joseba Azkaratek; Joseba Lezetak eta Juanjo Aranburuk eta Aitor Aranguren eta Felix Agirrek. D taldean, azkenik, bost bikoteek ditugu: Andoitz Aranburu eta Iker Irizar; Luis Larrea eta Jon Aranguren; Mikel Urtzelai eta J. Agirrebeitia; Mikel Mugurutz eta Migel Mari Jaurerri eta Patri Bideluze eta Andoni Balerdi.



## Argazkilari onenei sariak

Aurreko asteko domekan banatu zituzten Udalak antolatutako argazki lehiaketako sariak. Lehenengo mailan, Itsaso Garmendiak jaso du aipamen berezia; bigarren mailan, Oier Peñagarikanok jaso du lehen saria eta hirugarrenean, Iñigo Alonsok. Argazki digitalen mailan, azkenik, Iñaki Garciaren argazkia saritu dute herritarrek. Horra hor argazkian irabazleentako batzuk./A.I.

LABUR

## Neguko film emanaldiak gaur, egubakoitza, gauean hasiko dituzte, zine-forum batekin

Emanaldi berezi batekin hasiko dituzte neguko film emanaldiak; aurrekoan azaltzen genizuen moduan, droga mendekotasunaren prebentziorako kanpainaren barruan, 16 urtetik gorako gazteen-dako zine-foruma antolatu dute. *Diario de un rebelde* filma ikusiko dute, 21:30ean, Olaran etxean, eta ondoren haren gainean berba egingo dute. Domekan, berriz, 16:30ean, *Harry Potter* filma euskaraz ikusteko aukera izango da.

## Gertu Gae plataformak berriro aurkeztu du 'apartheid' politikoaren aurkako mozioa

Honako eskaerak egin zituen Gertu Gaek aurkeztutako mozioan: herritar guztiak bizitza politikoan parte hartzeko duen eskubidea bermatzeko beharrezko neurriak hartzeko eskatu zion Udalari; bake eta demokrazia egoera batera eramango gaituen prozesua bultzatzeko Udaletik egin daitekeen ekarpen onena *apartheida* gainditzeko neurriak hartzea dela esan zuten. Mozio hori ez zuen onartu udalbatzarrak.

## PSE-EEK hiltegiaren gaineko mozioa aurkeztu zuen eta atzera bota zuten

Hiltegiaren gaineko mozio bat aurkeztu zuen, batetik, PSE-EEK; mozio horretan eskatzen zuten hiltegiaren kudeaketa plana egitea; bestalde, gerente independente bat kontratatzea; beharrezko inbertsioak egitea eta inbertsio plan bat egitea; azpikontraten egoera ziurtatzea eta horrela zerbitzuaren jarraipena gutxienez 5 urtean ziurtatzea. Eskaera horiek egiten zituen, besteak beste. Atzera bota zuten mozioa; Gertu Gaek aldeko botoa eman zuten.

## Etkez etxeko zerbitzua Aldundiarekin hitzartzea onartu berri du Udalak

Udalak onartu egin du Foru Aldundiarekin etkez etxeko zerbitzuaren gaineko hitzarmena sinatzea. Hitzarmenaren helburua da pertsona nagusi ezinduekako herri bakoitzari etkez etxeko zerbitzuan dagozkion orduak zehaztea, Aldundiak Udalari zerbitzu horren truke ordainduko diona zehaztea eta Gipuzkoa osorako etkez etxeko zerbitzurako araudi bateratua onartzea, bederatzi hilabeteko epean. 2001. urtean Gizarte Zerbitzuen ardura banaketa egin zuten, eta ordutik, etkez etxeko laguntza Udalen ardura da; pertsona nagusi ezinduen ardura, berriz, Diputazioarena.

*Tomas Gezalaga*

Apainketarako eta industriarako pinturak  
Paper margotuak  
Moketak eta tapizatuak

Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA

**LARREA**

**TABERNA**

Kalebarren 17  
ANTZUOLA

*Tomas Gezalaga*

Zoruen kutzilatu eta bernizatzea

Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA

**GAILUR**  
taberna eta gozotegia

Buztinzuri 13 ANTZUOLA  
Tel.: 943 78 70 32

**ANTZUOLA**  
Apainketak eta isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40

SUKALDEKO ALTZARIAK

**Harizki**

MUEBLES IGEA

Sukalderako eta bainurako altzariak  
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80

**zabalo**  
IGELTSEROTZA

Jose Luis Zabalo

Kalegoi 9, 1. solairua  
ANTZUOLA.  
Tel. 943 76 60 89  
Faxa: 943 76 60 14

**ZAHAR BERRITZEAK:**  
Fatxadak  
Bainugela eta sukaldea  
Lokal komertzialak  
Teilatuak

**Eta orain....  
GREMIOEN  
KOORDINAZIOA**